

傷寒

溫熱

傷風

中風

燥

火

中暑

中濕

吳門花洲顧靖遠松園著

增程 簡亦可參校
男 元宰敘揆手錄
縣 費左國楫濟臣校字

症方發明

傷寒

附溫熱

從時從地
乃治病要
法
太陽傷寒
治法

傷風症治

太陽陽明
症治法有
二

傷寒一書。仲景生於漢末之時。風氣猶厚。居於北方之地。寒氣凜冽。其藥多用
辛甘溫熱重劑。若在南方。寒不甚嚴。去古漸遠。人之元氣漸薄。故其法可師。而
其藥則有時而可改。非違仲景也。變而通之。以從時地。斯真善學仲景者也。治
傷寒大法。如見太陽病。頭痛發熱惡寒。身疼腰痛。脊強無汗。脈浮緊而不數。為不
傳經。煩燥脈急數者。是欲傳經。宜先發汗以解表邪。香蘇散加羌防芎豳等藥
治之。得汗為解。頭痛發熱自汗。脈浮緩為傷風。宜實表。羌防香蘇散。去蘇葉加
白芍。汗止解。若外症頭痛身疼不解。而見目疼鼻乾不得卧。是邪已傳陽明。未
離太陽。即係太陽陽明症。治有二法。不嘔無汗。羌防香蘇散加葛根。或羌活湯
中加之。喜涼惡熱自汗。煩燥口渴飲冷。羌活加石膏知母麥冬。大劑與之。若身

正陽明腑
症治法亦
有二

下後辨症
法

攻補兼施
法

少陽陽明
症治

少陽經症
治
合病

熱目疼。鼻乾不得卧。是已離太陽。未接少陽。謂之正陽明經病。不嘔無汗。宜葛根湯辛涼之劑以解肌。若喜涼惡熱。自汗煩燥。口渴飲冷。咽燥唇裂。舌苔芒刺。譫語潮熱。甚則發呃發厥。發斑發狂。脈洪大者。是屬正陽明腑病。治亦有二法。大便不鞭。或雖硬而腹無所苦。宜大劑竹葉石膏湯。解熱生津止渴。而退胃熱。若不大便五六日。繞臍疼。或腹滿痛。手不可按。轉矢氣者。此有燥糞也。當承氣湯下之。以開除結熱。而存津液。不可大下。恐傷其正。下後按其腹中不痛。即病已解。如仍滿疼。是燥糞未盡。病重藥輕故也。當再下之。以腹中和二便通為度。若脈弱或不能食。其人本虛。勿輕議下。必不得已。或用補瀉兼施法。寓戰於守。可也。或黃龍湯。或承氣養榮湯。隨宜用之。若陽明症未解。兼見少陽之口苦咽乾。目眩耳聾。是邪已入少陽。未離陽明。謂之少陽陽明症。只用小柴胡加葛根加減為治。若見往來寒熱。頭角微疼。口苦咽乾。目眩耳聾。胸脇苦滿。默默不欲飲食。心煩喜嘔。是邪傳足少陽也。小柴胡湯加減主之。所謂合病者。如太陽症之頭痛。惡寒身疼。陽明症之口苦咽乾。目眩耳聾。胸脇滿痛。各有專司。或太陽

併病

壞病

過經不解

合胸腹而不傳。真為合病。若無胸腹表裏相合之徵。即是傳經未罷。不為合病矣。治太陽陽明合病。協熱下利者。以薤白解兩經之邪。苓連清在裏之熱。而調服天水散。心下痞者。加枳實。陽明少陽合病。協熱下利者。芍藥黃芩湯。加柴胡葛根。大抵二經合病者。必用二經之主藥。三經合病。必用三經之主藥為治。治併病之法。亦如是。併病者。不論多少。或一經見三五症。或一經見一症二症。即是。必太陽病多。陽明少陽症少。羈留時日。故為併病。如秦併六國之義。若陽明少陽症多。太陽症少。不羈時日。頃刻傳過他經。不為併病也。壞病者。乃誤施汗吐下溫鍼。病仍不解。反增病劇。故為壞病。病在三陽。未及於陰。即汗多亡陽厥逆。筋惕肉瞤。以誤汗之所致。腹中飢不能食。嘔吐不止。以誤吐之所致也。結胸痞滿利下。以誤下之所致。驚狂起臥不安。以誤灸之所致。觀其脈症。知犯何逆。隨症治之。傷寒六七日。或十二十四日。經氣旺而當復之時。猶若未愈。謂之過經不解。正氣多虛。尚有表症宜汗者。微汗之。有裏症宜下者。微下之。如老年

治邪傳三陰大法

太陰症治法

少陰症治

厥陰症治

三陰復轉陽明宜下

勞復治法

力盛者不在禁例。隨病施治。若傳至三陰。邪熱入裏。雖云陰分。病屬於熱。總宜清解邪熱為治。渴者竹葉石膏湯。不渴心下痞者。黃連栝實枳殼麥冬之屬。以清之。分而言之。如見太陰病之腹滿咽乾吐而食不下。自利而腹痛。宜芍藥黃芩湯加減治之。若見少陰之口燥舌乾而渴。身涼欲寐。脈沉細數。宜黃連阿膠湯加地冬知藥之屬。以清解熱邪。治陰養水為治。如舌苔黑刺。不大便而小便不利者。乃腎水津液皆竭。急宜大劑煎湯十中或救一二。若見厥陰病之煩滿囊縮消渴。氣上沖心。心中痛熱。饑不欲食。食則吐者。本經之邪衝心入胃。無所不至。急宜龍膽清肝飲救之。須知三陰症中。俱有復轉陽明。而成胃實可下之症。如腹中大實滿痛。手不可按者。是太陰轉陽明也。可下。六七日不大便。腹脹滿者。是少陰轉陽明也。可下。協熱下利。譫語者。有燥糞也。是厥陰轉陽明也。可下。若邪不傳入陽明。大便不堅硬者。慎勿輕下。或邪未結於下焦。少腹不堅痛。而誤用芒硝。以伐真陰。洞泄不已。元氣將脫。宜用大劑理中湯加白芍大棗烏梅不止。佐以升提固澁之劑。病新愈後。元氣已虛。邪熱未淨。或起居作勞。復發熱者。謂之勞復。宜甘寒益虛清熱之藥。隨症治之。因多人而復發者。謂之

傷寒治法
要旨

診脈秘訣

用藥要旨
全在活潑
潑地

治傷寒有
六法

也。但日暮微煩者。當減損穀食。休養脾胃。不藥自愈。以上既明傷寒六經症。以及合病併病壞病。過經不解。併勞復食復等症。而尤不能無言者。其治法之要。不可不悉也。節菴云。傷寒治法。得其要領。易如拾芥。若求之多歧。則支離破碎。如涉海問津矣。蓋脈症與理而已。脈以浮大數滑為陽。沉小遲澀為陰。叔和云。指下難明者。真言也。誇言通曉者。但能言而不能行也。予嘗法節菴之秘。專以浮沉遲數。大小滑瀉。察其有力無力。則病之表裏虛實。陰陽寒熱。無遁情矣。證者如獲贓。則證其為盜。故一經有一經之的證。如上文之所述者。皆是矣。如見何經之證。即發何經之藥。仲景曰。日數雖多。但有表症。而脈浮大者。仍宜解表。日數雖多。但有裡症。而脈沉實者。即當攻裏。若同而異者。明之。似是而非者。辨之。用藥當如盤珠。慎勿刻舟求劍。景岳云。予嘗治此症。多非本門正方。輒隨手而應。無他藥對症而已矣。所謂理者。知其常。通其變也。得理則治無一失。昔賢治傷寒六法。曰汗吐下溫清補。夫表有邪。不汗之從何而出。仲景曰。凡發汗。溫服湯藥。其方雖言日三服。若病劇不解。可半日中盡三服。又曰。凡作湯藥。不可

一曰汗法有三

二曰吐

三曰下

四曰溫此法備以救過用寒涼之誤

五曰清必用之法六曰補

須以此法用參方始無疑

避晨夜初病即治。不等早晚則易愈。此所以汗不嫌早。但汗法有三。一曰溫散。經云。發表不遠熱。又曰。寒無犯寒。故身雖大熱。必用辛溫。二曰涼解。炎熱熾盛。表裏枯涸。陰氣不營。亦不能汗。宜用辛涼。三曰平解。病在陰陽之間。既不可溫。又不可涼。但宜用平。期於解表而已。吐者治在上也。吐中有發散之意。可去胸中之實邪。若無實邪在上。不可用之。故所用既少。而法亦無多。下者攻其裏也。實邪內結不下。從何而去。但當察症之輕重緩急。而變通用之。若非大滿燥實。堅者。不可輕下。此所以下不嫌遲也。溫者溫其中也。臟有寒氣。不溫之何自而除。然傷寒乃傳經熱症。豈有中反變寒之理。或因過用寒涼。間有可溫之者。所當詳審。節菴云。誤用薑附。令人失血發狂。辛熱耗其津液。燥熱助其邪熱。庸醫殺人。莫此為甚。清者清其熱也。有熱無結。本非下症。若不清之。熱何由散。下後餘邪。亦宜清也。補者救其虛也。蓋人受外感之邪。惟元氣旺者。始能領藥勢。拒邪外出。所以虛弱之人。必用人參三五七分。入表藥中。少助元氣。以為驅邪之主。使邪氣得藥。一湧而去。非真取其補養虛弱也。即和解攻裏藥中。有人參之

示傷寒用
參之法

名言

挾虛傷寒
不宜峻攻

補陰最能
發汗

壯水方能
息火

病感之人百無一活。獨不觀古方解表有參蘇飲。敗毒散。和解有小柴胡湯。白虎湯。攻裏有黃龍湯。皆藉人參之力。領出在內之邪。仲景節菴未嘗不用。蓋不當用參而用之殺人者。皆是與芪朮歸薑桂附等藥同行溫補之所致。不與羌蘇柴葛苓膏硝黃同用。汗下和解之法所致。汗下和解藥中兼用人參。並不傷人。嘉言辨之甚明。且誓之曰。今後有以汗下和解藥中不宜用人參之言。誤人者。死入泥犁地獄。景岳亦云。傷寒雖具萬變。虛實二字可以提綱。正勝則愈。邪勝則死。正氣實者。雖感大邪。其病亦輕。正氣虛者。雖感微邪。其病亦重。氣實而病者。攻之即愈。雖不服藥。經盡即安。何足慮也。所可慮者。惟挾虛耳。但今之人患挾虛傷寒者。十嘗六七。而庸淺之輩。不能察其虛而為之補救。且恣意攻之。不死何待。又曰。如表邪不解。屢散之而汗不出者。陰氣不能達也。蓋汗即水也。水既不足。汗自何來。人知汗屬陽分。升陽可以解表。而不知汗生於陰。補陰最能發汗。今有飲水而汗出者。即其驗也。又如內熱不解。屢清之而火不退者。陰不足也。人知惟寒涼可以去熱。而不知壯水方能息火也。故人傷於寒而為熱。

房勞傷寒
治法

觀病法則

須熟讀遵
用

要旨

則陽勝陰傷。是當補陰。所以傷寒偏死下虛人者。以邪傳少陰。熱涸殘陰也。沈氏云。人有房勞傷其陰。復遇風寒乘虛感入腎間。即病身熱似火燎。口渴煩燥。經謂是人陰氣虛。陽氣盛。少水不能制盛火。而陽獨熾。逢風而如火。如火者是也。必以大劑先滋其陰。俾陰氣不絕。然後疏表。始為合法。知此六者。用藥即握傷寒之要。不必求之多歧矣。至若觀病法則之精。無過節菴姑舉其所言。而補其所未備。凡治傷寒。先問始於何日。以知久近。起於何因。以知病本。時下所見何症。依經斷為何病。次問飲食之喜惡多寡。二便之滑澀有無。以察其腸胃之乖和。口之渴與不渴。飲水之多與不多。以察其津液之存亡。然後觀其神色。以定其吉凶。目赤為熱甚。目黃為疸症。但發黃有溼熱瘀血之不同。次看其唇齒潤燥。以及古上有無苔狀。辨裏熱之輕重。聽其聲之清濁長短若何。識其在中之虛實。然後以手按其心胸。至少腹有無痛處。如按之而痛。當審其有結胸胃實瘀血之異。更當究其服過何藥。效與不效。並平素有無宿疾病症。一一詳明。參之以脉。則有是病。即用是藥。病千變。藥亦千變。無不桴鼓響應矣。但襟病之

一曰痰飲

二曰食積

三曰虛煩
頗有傷脾
傷腎之別

四曰瘀血

五曰腳氣

五症。一曰痰飲。中脘傷痰。亦憎寒發熱自汗。胸膈滿悶喘逆。但頭不痛。項不強。與傷寒異耳。二曰食積。胃中傷食。亦身體發熱。間有頭痛。但身不痛。必左脉平和。右脉有力。有噎腐吞酸。痞脹滿痛等症。與傷寒異耳。三曰虛煩。謂諸虛煩熱。如勞倦傷脾。亦發熱自汗。肢體酸痛。但不頭痛。亦不惡寒。必左脉平和。右脉無力。少氣懶言。四肢倦怠。又如縱慾傷腎。亦微寒發熱。或頭脹微痛。但其發時。必在午後子前。有五心煩熱。腿脛痠軟。腎虛諸症。與傷寒異耳。四曰瘀血。因鬪毆跌仆。負重閃挫。血瘀在內。或即發。或久遠而發。亦寒熱自汗。但心胸或脇下。或少腹。按之滿痛為辨耳。五曰腳氣。足受溼氣。亦頭痛發熱。惡寒嘔逆。但起於腳脛腫痛為異耳。傷寒雖重症。能明六經症治。合病併病諸病。以及六法治要。觀病準繩。更詳審類傷寒各症。如是投劑。而猶誤殺人者。吾未之前聞。雖云大略。孔子曰。舉一隅當以三隅反。易曰。變而通之。神而明之。存乎其人。所謂由淺而入深。由博而反約者。其在斯乎。學者慎勿忽諸。

附 溫熱病

時弊

辨明正傷
寒正傷風
及風寒雨
傷症脉用
藥法

風

時令風濕
治法

溫熱病者。乃感冒時令之溫邪。熱邪為病。發於三四月者。是也。世俗不知。概以春夏秋三時感冒。俱稱為傷寒。輒用仲景節菴諸書發表溫裏之法。誤害蒼生。不得不辨。今將四時感冒症脈。逐一詳明。庶不悞治。夫傷寒者。乃大雪以後。為終之氣。足太陽寒水司令。冰凍嚴寒。觸冒寒邪。即頭疼發熱惡寒。身疼腰痛。脊強無汗。脈浮而緊。此寒邪傷於太陽營分。故為傷寒。麻黃湯主之。若頭疼發熱惡風。自汗。脈浮而緩。此風邪傷於太陽衛分。即為傷風。桂枝湯主之。若頭痛發熱惡寒。身疼腰痛。無汗煩燥。脈浮而緊。此風寒兩傷營衛。大青龍湯主之。三症總為傷寒。此則宜遵二氏之書治法。喻嘉言之尚論篇。陶節菴之家秘的本。殺車槌法。所並宜深玩也。立春以後。為初之氣。厥陰風木司令。或春初寒氣應去而未去。如見上項太陽諸症。仍為傷寒。宜以前湯小劑發表。或用九味羌活湯加減治之。若值天氣溫暄。微溫之風。人感即病。謂之風溫症。顯往來寒熱。頭痛惡風。口苦咽乾。目眩耳聾。胸脇肋髀俱痛。不能轉側。或惡心嘔吐。胃脘當心而痛。自汗脈弦。邪在足少陽也。當以辛涼輕散。小柴胡湯加減主之。內以甘

時令溫病
治法

時令熱病
治法

暑症治法

濕症治法

燥症治法

司令感冒溫風則手厥陰心胞代心君為病以心為君主義不受邪故也其症頭痛或不痛但身熱始起微惡寒無汗心中澹澹大動或煩燥發疹左手脈洪而盛此受時令溫邪為病名曰溫病與冬傷於寒伏匿至春而發為溫病不同宜柴胡丹皮湯煎服探吐以取微汗解表經所謂火鬱散之之意也芒種以後為三之氣手少陽相火司令感冒熱邪則三焦經絡受病其症頭痛發熱惡風自汗目銳皆連耳後痛耳鳴耳聾眩暈咽痛肩膈肘臂外廉皆痛或煩燥發斑右手脈洪而盛此受時令熱邪為病名曰熱病宜柴胡丹皮湯探吐解表蓋溫熱感冒皆入手經不在足經受病如遇傳變則當隨其所傳或手經或足經之現症活法處方此治溫熱之大綱也然在大暑小暑之時又有中暑一症即金匱云太陽中熱者暍是也汗出惡寒身熱而渴其脈必虛當用人參白虎湯詳在暑立秋以後為四之氣太陰濕土司令然濕土寄旺於四季之末長夏濕病甚多若一身盡痛發熱身色如薰黃此即金匱云溼家之為病也治宜羌活四苓散加茵陳山梔之屬當從濕門參治寒露以後為五之氣陽明燥金司令若身熱頭痛

辨燥病有
外感內傷
治法各異

凡時氣當
令臟腑必
先受之

客氣流行
當審何邪
所傷

灑浙惡寒。即秋時感涼。謂之燥病。治宜羌防香蘇散。表散其邪為主。若嘉言云。諸氣憤鬱。諸痰喘嘔咳不止而出白血死者。謂之燥病。乃傷於內者為言。故製清燥救肺湯。皆滋陰清涼之品。施於火熱刑金。肺氣受傷者宜之。設以治外感清涼時氣之燥。則以涼投涼。病必增劇。可不辨歟。經曰。治病必先求其本。必先歲氣。蓋有其時。必有其氣。必有其經絡臟腑受邪。故曰乘春則肝先受之。乘夏則心先受之。乘季夏則脾先受之。乘秋則肺先受之。乘冬則腎先受之。以故溫熱之邪。是應心主包絡三焦受之而無疑也。夫春溫風木。夏熱君相暑火。長夏濕土。秋涼燥金。冬寒寒水。謂之六淫。正氣感之而病。各隨其氣而命其名。施其治。已明於前。若春應溫而反寒。夏應熱而反涼。秋應涼而反熱。冬應寒而反溫。即風火暑濕燥寒之客氣流行。加臨於春夏秋冬六位主氣之上。故與時令有異。如太陽寒水。加於盛夏則寒。即為感寒。君相加於隆冬則暖。即為冬溫。但客氣為病。沿家合巷。長幼相似。乃天地流行之氣感人所致。第當取其風火暑濕燥寒之客氣一邪。而為主。世昆稱非時感冒。既作易長言。云。

伏邪內發
之風溫

伏邪溫病
難治

外內合發
不治

伏邪溫病
風溫治法

溫病。蓋冬傷於寒。足太陽先受之。若不藏精之人。寒直入腎。多從太陽始者。受於陰而發於陽也。春令陽氣發越。邪亦從之內出。故發熱。津液為伏邪煎熬。所傷。故渴。表無邪。故不惡寒。又曰。風溫為病。脈陰陽俱浮。蓋腎與膀胱一臟一腑。同時病發。所以其脈陰陽俱浮。自汗身重多眠。鼻息必鼾。語言難出。一盡顯少陰本症。此言冬傷於風。至春發為風溫之病。必兼上言太陽病。發熱而渴。不惡寒之症。不可汗。又不可下。若誤汗誤下。是促其亡也。故遇春令始病。即見口渴。舌苔乾燥。心煩小便黃赤。咳喘氣急等症。外顯身熱不惡寒。即是冬傷於寒。春必病溫之症。因寒邪伏匿。鬱久壅熱。暗耗腎水。至春發出。其病最重。百中難救六七。若始病即見口渴。舌苔乾燥等症。外又頭痛發熱惡寒者。乃兼感時令之邪。外內合發。與一臟一腑。如腎與膀胱。脾與胃。肝與膽俱傷。兩感傷寒相似。不治之症。但兩感乃邪從外入。而合發則內外兩邪相合為病。不可不辨。大法治伏邪而發為溫病。風溫之症。當用辛涼微汗透表。兼以養陰。顧其津液。清熱調胃。便實者。僅用疏利。不可大下。恐傷陰氣。致變壞症。然又當推難經云。溫病之脈。行在諸經。不

辨症最明

溫熱病解
表與傷寒
不同

要旨

知何經而動。各隨其經所在而取之。夫邪之所在。其氣必虛。所以伏邪內發。乃隨臟腑虛實而發。如水之流行。窪先受之。必審邪發何經。則隨經施治。如見頭項痛。腰脊強。則從太陽治。如見目痛鼻乾不得卧。自汗譫語。大渴心煩。則從陽明治。如見胸脇痛。耳聾寒熱往來。嘔而口苦。則從少陽治。如見腹滿咽乾吐而食不下。自利而腹痛。則從太陰治。如見煩滿囊縮消渴。氣上冲心。心中熱痛。飢不欲食。食則吐衄。下之利不止者。則從厥陰治。當推傷寒表裏之法用藥。所以仲景不出方。即當各隨其所得而攻之也。余論溫熱症治。而因敘四時六氣感人之病。以及客氣流行。伏邪內發。為溫病風溫之症。使學者因時以辨症定名。因症以察脈用藥。勿徒以傷寒概六感之病。又當推經言有者求之。無者求之。但見何經的症。即用何經治法。不可拘板不移。始可無悞。要知溫熱之病。解表則與傷寒用麻黃桂枝甘熱不同。如遇傳變陽明少陽三陰諸經。及手經諸症。或清熱或攻裏或救虛。總不外傷寒治法。一言以蔽之曰存津液。

傷寒方

凡用諸藥
寧不及勿
太過如不
應可再加

不可發汗
之法

痛脊強。寒傷營血不利。故經脈所過皆痛。無汗故令無汗。肌汗而氣

剛勁。故體重。嘔逆喘滿。陰凝血滯故體重。寒氣客胃皆傷寒之的症。

麻黃。辛熱。開腠發汗。桂枝。入營驅寒。各五分至一錢。杏仁。瀉肺利氣。甘草。扶中散邪。羌活香蘇散可代此

方。熱服用厚被覆首取汗。待汗乾。輕輕揭去中衣。即止。不得多服。多則反致別病。服之無汗者。渣再煎服。服二三劑。汗不出者死。

按此湯雖太陽經發汗重劑。實兼發散肺經之邪。夫邪必從皮毛而入。皮毛

為肺之合。肺主衛氣。包羅一身。是症雖屬太陽。而肺氣受邪。氣故輕則兼面

赤拂鬱。咳嗽有痰。胸滿重則為喘。皆肺氣憤鬱也。凡用汗藥。宜審病人有無

宿疾。不可輕汗。如咽喉乾燥者。津液素虧也。不可發汗。淋家不可發汗。膀胱為熱所閉。氣化

不行。發汗則便血。膀胱愈擾。而血從小便出矣。瘡家。肌表素虛。營血暗虧。雖傷寒頭痛身疼。不可發

汗。汗出則瘕。外風襲虛。內血不盈。亡血家不可發汗。發汗則寒慄而振。陰亡則孤陽無偶。汗則陽從外

越。陰陽素多汗家重發汗。必恍惚心亂。再汗則心血少。小便已陰痛。小腸之血已傷也。尺中

脈微者。裏陰素虛也。不可發汗。尺中脈遲者。元陽素薄。營血衰少。不可發汗。脈沉者。即在裏者。不

不可發汗者只宜輕劑發汗

按之硬痛跳動因食積者多輒指為動氣投理中桂枝大謬示救誤汗之法

桂枝湯法

可發汗。諸虛者。如勞倦陰虛。經行經斷。胎漏新產等症。不可發汗。總是相人津液之奧旨。然表

有邪。不汗何從而出。但不可用麻桂重劑。大發其汗。只宜輕劑。則微汗。如羌

防香蘇散。九味羌活湯之屬。或加建中氣之藥。或加生津液之品。活法對症。

加減治之。其用下之法。亦然。發動氣汗死。動氣者。臟氣不調。不拘臍之或上或下。或左或右。按之不移。或痛。築

築跳動者是也。發少陰汗。則動血死。或從口鼻。或從目出。謂之下厥上竭。誤用麻黃。令人汗多亡陽。將

髮披於水盆中。足露於外。用炒糯米半升。龍骨牡蠣麻黃根各一兩。研末。周

身撲之。溫經益元。加減救之。亦有不可用桂附者。須活潑潑地。

桂枝湯。治冬月正傷風。太陽經衛分受邪。風則傷衛。頭痛發熱惡風。風在表。表實

未有不兼惡寒者。鼻鳴乾嘔。鼻鳴者。陽邪上壅也。乾嘔者。陽邪上逆也。脊強自汗。衛傷則無以衛。津液故令自汗。脈浮而

緩。衛氣不皆傷風之的症。

桂枝。辛甘發散為陽。故用以治風。芍藥。營未受邪。恐桂走泄陰氣。故用白芍酸以收之。炙甘草。扶正氣以散邪。生薑。辛熱發散。

大棗。同薑行脾中之津液。而和其營衛。羌防香蘇散。去蘇葉加白芍代之可。溫服。須臾

啜稀粥。以助藥力。覆被令遍身微汗。有汗。不可令口大氣。言心下。余。今。下。